

Lög

um

bæjarstjórn á Seyðisfirði.

Vjer Christian hinn Tíundi, af guðs náð konungur Íslands og Danmerkur,
Vinda og Gauta, hertogi í Sljesvík, Holtsetalandi, Stórmæri, Þjettmerski,
Låenborg og Aldinborg,

Gjörum kunnugt: Alþingi hefir fallist á lög þessi og Vjer staðfest þau með samþykki Voru:

1. gr.

Fjarðaralda með Búðareyri og Vestdalseyri og jarðirnar Vestdalur og Fjörður með Fjarðarseli og Odda er lögsagnarumdæmi út af fyrir sig með kaupstaðarrjettindum.

Verslunarlód bæjarins er svæðið frá Grýta norðan fjarðarins með sjó fram kringum fjörðinu að Borgartanga sunnan fjarðarins og svo langt upp frá sjó, sem þurfa þykir.

2. gr.

Sýslumaðurinn í Norður-Múlasýslu er jafnframt bæjarfógeti kaupstaðarins. Hann er oddviti bæjarstjórnar.

Bæjarstjórnin kýs bæjarstjóra í stað bæjarfógeta til 6 ára í senn, ef kjósendur með leynilegri atkvæðagreiðslu samþykkja það með $\frac{2}{3}$ greiddra atkvæða. Hann skal launaður úr bæjarsjóði.

3. gr.

Málefnum bæjarins stjórnar bæjarstjórn, og eru í henni bæjarfógetinn og 9 bæjarfulltrúar, kosnir af bæjarbúum, sem kosningarrjett hafa eftir lögum þessum. Tölu bæjarfulltrúa má stjórnarráðið breyta, ef þörf gerist, eftir tillögum bæjarstjórnar. Oddviti bæjarstjórnar hefir því að eins atkvæðisrjett á fundum, að hann sje bæjarfulltrúi.

4. gr.

Kosningarrjett hafa allir bæjarbúar, konur og karlar, sem eru 25 ára að aldri og hafa átt lögheimili í bænum 1 ár, þegar kosning fer fram, og fullnægja að öðru leyti skilyrðum fyrir kosningarrjetti til Alþingis.

Kjörgengur er hver sá, er kosningarrjett hefir; þó mega hjón aldrei sitja samtímis í bæjarstjórn nje foreldrar og börn.

Innan 60 ára aldurs er hver kjörgengur maður skyldur að taka við kosningu, hafi hann eigi gildar ástæður til að skorast undan. Sker kjörstjórn úr þessu, en úrskurði hennar má skjóta til bæjarstjórnar. Sá, sem gegnt hefir fulltrúastörfum 3 ár eða lengur, er eigi skyldur til að takast á hendur þá sýslu

aftur jafn langan tíma og hann hefir verið fulltrúi. Konur hafa jafnan heimild Nr. 61 til að skorast undan kosningu.

28. nóv.

5. gr.

Bæjarfulltrúar skulu kosnir til 3 ára, þriðjungur árlega. Þeir bæjarfulltrúar, sem nú eru í bæjarstjórn, skulu sitja í henni kjörtímabil sitt, samkvæmt eldri bæjarstjórnarlögum. Skal í fyrsta sinni kjósa eftir lögum þessum 5 fulltrúa í ársbyrjun 1920 og ganga tveir þeirra úr bæjarstjórn eftir hlutkesti, annar í árslok 1920, en hinn í árslok 1921. Fari fulltrúi frá á kjörtímabili sínu, skal þegar kjósa mann í hans stað fyrir þann tíma, sem eftir er af því.

6. gr.

Almennar fulltrúakosningar skulu fara fram einhvern fyrsta virkan dag eftir nýár.

Í kjörstjórn eru oddviti bæjarstjórnar og 2 fulltrúar, er bæjarstjórn kys. Kjörstjórn skal semja kjörskrá fyrir hver árslok, og gildir hún fyrir almanaksárið næsta á eftir.

Kjörskrá skal liggja öllum bæjarbúum til sýnis á hentugum stað í 15 daga á undan kjördegi.

Kærur gegn kjörskrá verða ekki teknar til greina, sjeu þær eigi bornar upp fyrir kjörstjórn í síðasta lagi 3 dögum á undan kjördegi, og skal hún þá leggja úrskurð sinn á þær.

7. gr.

Formaður kjörstjórnar boðar stund og stað, er kosningar skulu fram fara, með eigi minna en vikufresti og á þann hátt, er kjörþing er vant að boða.

8. gr.

Kærur yfir kosningargerð eða úrskurðum kjörstjórnar verður að bera skriflega undir bæjarstjórnina innan 8 daga eftir að kosningin fór fram. Leitar bæjarstjórn álots kjörstjórnar um kærurnar og leggur úrskurð sinn á málið innan 8 daga. Innan 15 daga eftir að slíkur úrskurður er uppkveðinn má kæra hann fyrir stjórnarráðinu.

Eftir almennar kosningar fara bæjarfulltrúar þeir, er frá eiga að fara, þá fyrst úr bæjarstjórn, er fullnaðarúrskurður er lagður fram á komnar kærur.

Þurfi uppkosning að fara fram, skal þegar til hennar stofnað og við hana að nota hina síðast leiðrjettu kjörskrá.

9. gr.

Nú vill bæjarfulltrúi ganga úr bæjarstjórn áður en kjörtími hans er liðinn, og ákveður hún þá, hvort taka skuli beiðni hans til greina. Bæjarstjórn ákveður enn fremur, hvort bæjarfulltrúi skuli fara frá, eða honum vikið úr bæjar-

Nr. 61 stjórn um stund, sakir atvika, er svifti hann kjörgengi. Hún ákveður og, 28. nóv. hvort bæjarfulltrúi skuli fara frá, eða honum vikið úr bæjarstjórn um stund, af því að hann hefir vanrækt eða færst undan að gera það, er hann var skyldur til sem bæjarfulltrúi (sjá 12. gr.). Þó má sá, er vikið er úr bæjarstjórn, kæra fyrir stjórnarráðinu á þann hátt, sem segir í næstu grein á undan.

10. gr.

Oddviti stjórnar umræðum á fundum og sjer um, að það, sem ályktað er, sje rjett ritað í gerðabókina

Fundir bæjarstjórnar skulu fara fram í heyranda hljóði. Einstök mál má þó ræða innan luktra dyra, þegar bæjarstjórn ákveður.

Til þess að lögmæt ákvörðun sje gerð, verður auk oddvita meira en helmingur bæjarfulltrúa að vera á fundi. Atkvæðamagn skal ávalt ráða. Sjeu jafnmörg atkvæði með og móti, fellur atkvæðisefnið, nema við kosningar; þá ræður hlutkesti. Við nefndarkosningar skal viðhafa hlutfallskosningar, ef þess er krafist.

Það er kunngert bæjarfulltrúum, hvar og hve nær bæjarstjórnin heldur almenna fundi. Aukafundi má halda, þegar oddvita þykir nauðsyn til bera eða þegar minst helmingur bæjarfulltrúa æskir þess.

Oddviti skal á undan fundum, ef því verður við komið, skýra bæjarfulltrúum frá, hver málefni koma fyrir.

Allir bæjarfulltrúar, sem eru á fundi, skulu rita nöfn sín undir gerðabókina strax og bókun er lokið, og á sjerhver fulltrúi rjett á að fá ágreiningsatriði sitt stuttlega bókað.

Bæjarstjórnin setur sjálf þingsköp sín, en stjórnarráðið samþykkir þau.

11. gr.

Oddviti bæjarstjórnar hefir á hendi framkvæmd ákvarðana þeirra, er bæjarstjórnin gerir, og bæjarmálefna yfir höfuð.

Virðist oddvita einhver ákvörðun bæjarstjórnar ganga út yfir valdsvið hennar, vera gagnstæð lögum eða skaðleg fyrir bæjarfjlagið, eða miði til að færast undan skyldum þeim, er á því hvila, má hann fella hana úr gildi um sinn, með því að rita álit sitt um hana í gerðabókina. Um þetta skal hann, svo fljótt sem verða má, senda stjórnarráðinu skýrslu, og leggur það úrskurð á málið. Eftirrit af skýrslu oddvita skal jafnframt senda bæjarstjórninni, svo að hún geti gert athugasemdir við hana áður en hún fer til stjórnarráðsins.

12. gr.

Með samþykkt, sem stjórnarráðið staðfestir, skal setja fastar nefndir til að fara með einstök bæjarmál, og skal í henni kveðið á um skipun, verksvið og vald þeirra. Þó má bæjarstjórn fela einum eða fleirum fulltrúanna framkvæmd einstakra bæjarstarfa, eftir reglum, er hún setur um það.

Allir bæjarfulltrúar eru skyldir að taka að sjer þau sjerstöku bæjarstörf, Nr. 61 er þeim eru falin á hendur. 28. nóv.

Fyrir nefndarmenn, kosna utan bæjarstjórnar, gilda sömu synjunarástæður og starfstímatakmörk og um bæjarfulltrúa, sjá þó 17. gr.

13. gr.

Í málum, er snerta uppeldi og fræðslu barna, hefir formaður skólanefndar sæti og tillögurjett á fundum bæjarstjórnarinnar, en atkvæðisrjett því að eins. að hann sje bæjarfulltrúi.

14. gr.

Bæjarstjórn skipar embættismenn eða sýslunarmenn bæjarins og veitir þeim lausn.

Lögregluþjóna og næturverði skipar bæjarstjórnin eftir tillögum bæjarfógeta, en hann getur veitt þeim lausn án samþykkis bæjarstjórnar. Bæjarstjórnin gerir tillögur um skipun yfirsetukvenna og sáttasemjara.

15. gr.

Almanaksárið telst reikningsár bæjarins. Innan 1. dags októbermánaðar ár hvert skal bæjarstjórnin semja áætlun yfir tekjur og gjöld bæjarins næsta ár. Í áætluninni skal tilgreina tekjur þær, sem til eru, til þess að borga með gjöldin án þess að skattur sje lagður á bæjarbúa. Því sem ávantar til þess að standa straum af bæjarþörfum, skal jafna niður eftir efnun og ástæðum. Áætlun þá, sem þannig er samin, skal ræða á 2 fundum með minst viku millibili. Við síðari umræðu skal íhuga áætlunina grein fyrir grein og greiða atkvæði um hverja grein hennar fyrir sig. Skal áætlunin í þeirri mynd, sem bæjarstjórnin samþykkir hana, vera regla fyrir hæð bæjargjalda og fjárstjórn allri á næsta ári. Áætlun þessa skal leggja fram innan 1. dags nóvembermánaðar, og skal hún vera öllum til sýnis í 15 daga.

Án samþykkis stjórnarráðsins má ekkert ár leggja hærri bæjargjöld samtals á bæjarbúa en svari meðaltali allra bæjargjalda 3 síðustu árin, að fimtungi viðbættum.

16. gr.

Af öllum útmældum byggingarlóðum í bænum, bygðum og óbygðum, svo og grunnum þeirra húsa, sem notuð eru við ábúð á jörð, skal greiða gjald í bæjarsjóð, er nefnist lóðargjald og nemi 1—2 krónum af hverjum 100 krónum af virðingarverði lóðarinnar sjálfrar eða grunnsins, án tillits til mannvirkja þeirra, sem gerð hafa verið á þeim. Þó skal af engri lóð greiða minna gjald en 8 krónur.

Lóðargjaldið greiðist af verði því, sem lóðirnar eru metnar 10. hvert ár af lögskipaðri fasteignamatsnefnd — sbr. lög nr. 22, 3. nóv. 1915.

Ef lóðir eru mældar út að nýju milli tveggja reglulegra fasteignamata, skal verð þeirra ákveðið til bráðabirgða af fasteignanefnd bæjarins. Skal leggja

Nr. 61 það mat til grundvallar fyrir upphæð lóðargjaldsins þar til lokið er næsta reglu-
28. nóv, lega fasteignamati. Fasteignanefnd bæjarins metur einnig verð grunna þeirra
húsa, sem notuð eru við ábúð á jörðum. Þar sem svo hagar til, að byggingar-
lóð og tún er metið í einu lagi af hinni lögskipuðu fasteignamatsnefnd, ákveður
fasteignanefnd bæjarins, hve mikið af verði lóðarinnar skuli talið til túnsins.
Mati fasteignanefndar bæjarins má skjóta til bæjarstjórnarinnar innan 3 mánaða,
er leggur úrskurð sinn á matið.

17. gr.

Niðurfjöfnun eftir efnun og ástæðum nær til allra, sem hafa lögheimili
eða fast aðsetur í bænum eigi skemur en 3 mánuði. Þeir skulu greiða þar fult
gjald eftir öllum efnahag sínum og ástæðum, nema þeir hafi líka á gjaldárinu haft
fast aðsetur annarsstaðar og goldið þar útsvar; þá skal draga frá útsvarinu til-
tölulega eftir þeim tíma, er þeir dvöldust annarsstaðar, þó eigi meira en þeir
guldu þar.

A hverskonar atvinnu, sem rekin er í bænum og talin er sjerstaklega
arðsöm, svo sem verslun, kaupskap eða þilbátaútgerð, má gjald leggja, þótt ekki
sje rekin nema 8 vikur og atvinnurekandi eigi heimili annarsstaðar. Á síldveiði
og síldarverkun í bænum eða á höfninni, á allskonar bræðsl og allskonar verk-
smiðjuíðnað, á ábúð á jörð eða jarðarluta, á leiguliðaaafnot af jörð, þótt engin
ábúð fylgi, og lóðarafnot eða húseignir, er einhvern arð gefa, má leggja útsvar,
þótt sú atvinna sje rekin skemri tíma.

Á kaupfjelog og pöntunarfjelog, er hafa leyst borgarabrjef, hafa sölubúð
og vörur til sölu, má leggja útsvar, svo sem hæfa þykir eftir árlegri veltu og
arði í söludeild fjelagsins.

Heimilt er niðurfjöfnunarnefnd að krefjast þess, að borgarar bæjarins sendi
henni, á þar til gerðum eyðublöðum, skýrslu um árstekjur sínar og aðrar upplýs-
ingar um efni þeirra og ástæður. Skyld er nefndinni og bæjarstjórn að halda
þessum upplýsingum leyndum.

18. gr.

Niðurfjöfnunarnefnd skipa 5 menn, og skulu þeir kosnir í septembermán-
uði til 6 ára. Á hverjum 3 ára fresti fara frá 3 og 2 nefndarmenn til skiftis.
Um kosningarrjett þeirra og kjörgengi gildir hið sama og ákveðið er um kosning-
arrjett og kjörgengi til bæjarstjórnar, svo og um kosningaraðferðina; einnig um
ályktanir nefndarinnar og atkvæðagreiðslur.

Enginn sem kjörgengur er í bæjarstjórn, getur skorast undan kosningu í
niðurfjöfnunarnefnd; þó má enginn samtímis sitja í niðurfjöfnunarnefnd og bæjarstjórn.

Hver sá, er verið hefir 6 ár í nefndinni eða lengur, er undanþeginn end-
urkosningu næstu 6 ár.

Niðurfjöfnunarnefndin kys formann úr sínum flokki.

Niðurfjöfnunarnefnd skal hafa lokið niðurfjöfnun í lok nóvembermánaðar.
Til þess að áætluð upphæð gjaldanna eftir efnun og ástæðum náist full

og rýrist eigi við lækkun bæjargjalda, burtför gjaldenda úr bænum eða árangurs- Nr. 61 laust lögtak o. s. frv., er nefndinni heimilt að jafna niður alt að 10 af hundraði 28. nóv. meira en tekið er til í áætluninni.

Niðurfjöfnunarskráin skal liggja til sýnis 1.—15. desember á hentugum stað, sem nefndin auglýsir.

Hverjum sem bæjargjald er gert, er heimilt að kæra yfir skattgjaldi því, sem lagt hefir verið á hann eða aðra, sem á niðurfjöfnunarskránni standa, svo og yfir því, að einhverjum hafi verið slept.

Kæurur yfir niðurfjöfnuninni skulu sendar nefndinni skriflega innan 15 daga frá því er niðurfjöfnunarskráin var til sýnis. Innan 15 daga þar á eftir skal nefndin skriflega tilkynna kæranda, hvort eða að hve miklu leyti kæra hans hafi verið tekin til greina. Ályktun nefndarinnar má svo innan 15 daga þar á eftir bera upp fyrir bæjarstjórn, sem leggur úrskurð sinn á málið innan 15 daga.

Ef kvartað er yfir gjaldi annars manns, eða að einhverjum hafi verið slept, skal þeim manni gefinn kostur á að segja sitt álit um það efni áður en niðurfjöfnunarnefnd eða bæjarstjórn fellir úrskurð sinn.

Kæurur, sem koma fram eftir hinn tiltekna tíma, verða eigi teknar til greina.

Enginn getur, með því að kæra skattgjald sitt, komist hjá því að greiða gjaldið á rjettum gjalddaga, en verði það lækkað, skal greiða aftur úr bæjarsjóði það, sem ofgildið er.

19. gr.

Aukaniðurfjöfnun skal fara fram í síðari hluta ágústmánaðar, og skulu skattar þá lagðir á þá, sem flutst hafa til bæjarins eftir að aðalniðurfjöfnun fór fram, eða skattskyldir eru samkvæmt því, sem áður segir. Aukaniðurfjöfnun skal lögð fram til sýnis viku tíma á sama hátt og fyr greinir.

20. gr.

Verði ágreiningur á milli Seyðisfjarðarkaupstaðar og einhvers annars sveitarfélags um, hvernig skifta beri skattgjaldi manns, sker stjórnarráðið úr því.

Þykist einhver eigi vera skattskyldur í bænum, má hann skjóta máli sínu til dómstólanna.

21. gr.

Öll bæjargjöld skulu goldin fyrir 1. apríl og 1. október ár hvert, og ber bæjargjaldkera að innheimta þau eins og aðrar tekjur bæjarins. Sjeu þau eigi greidd innan eins mánaðar frá gjalddaga, þá ber að taka þau lögtaki.

Flytji gjaldskyldur maður sig úr bænum alfarinn fyrir nýár, þá fellur alt það gjald burtu, sem lagt er á hann sjálfan fyrir það ár, sem í hönd fer.

Sá sem flytur sig úr bænum einhvern tíma á árinu, er að eins gjaldskyldur til loka þess ársfjórðungs, er hann flytur sig.

Nr. 61 Sá, sem flytur sig í bæinn á árinu og er settur á aukaniðurjöfnunarskrá, 28. nóv. er gjaldskyldur frá þeim tíma, er hann fluttist inn.

22. gr.

Bæjarstjórnin, og oddviti bæjarstjórnar sjerstaklega, skal hafa nákvæmar gætur á fjárstjórn bæjarins og sjá um, að skattar og aðrar tekjur sjeu rjett heimtar og í tækan tíma og teknar lögtaki, ef þess þarf við; enn fremur gæta þess, að geymt sje, og eftir atvikum ávaxtað, fje bæjarins, þangað til á því þarf að halda til þess að greiða útgjöld hans. Bæjarstjórnin hefir ábyrgð á innstæðum, skuldabrfefum og öðrum eignum bæjarins.

23. gr.

Gjaldkeri skal, þegar þess er krafist, gefa bæjarstjórninni nákvæma sjóðskýrslu, er sýni bæði, hvað goldist hafi í bæjarsjóð og hvað úr honum hafi verið greitt

Eigi má bæjargjaldkeri greiða neitt úr bæjarsjóði nema eftir ávísun oddvita. Oddviti ávísar útgjöldum, og skulu þau áður samþykkt af tveimur bæjarfulltrúum, er þau eiga undir.

24. gr.

Fyrir opinber uppboðsþing, sem bærinn lætur halda í sínar þarfir, svo sem á smíðum, vegavinnu, útvegum á verknaði og varningi o. fl. skal ekkert gjald greiða í rikissjóð.

25. gr.

Bæjarstjórninni er skylt að láta ríkisstjórninni og hagstofunni í tje skýrslur þær, sem beðið er um, svo sem um fólkestal, skepnuhald, atvinnuvegi og annað ástand.

26. gr.

Bæjarstjórnin má ekki, án samþykkis stjórnarráðsins, takast á hendur neina skuldbindingu til langframa, sem ekki beinlinis hvílir á henni samkvæmt lögum, ekki taka af innstæðufje bæjarins, ekki selja nje veðsetja fasteignir hans, nje kaupa nýja fasteign, ekki taka stærri lán eða til lengri tíma en svo, að þau verði borguð aftur af tekjum þess árs, sem í hönd fer, nje heldur endurnýja slík lán eða fresta greiðslu þeirra.

27. gr.

Þegar við lok hvers reikningsárs skal gjaldkeri semja reikning yfir allar tekjur og gjöld bæjarins umliðið ár og senda oddvita bæjarstjórnar fyrir lok marsmánaðar. Lætur oddviti reikninginn liggja bæjarbúum til sýnis í 15 daga á hentugum, auglýstum stað.

Endurskoðunarmenn bæjarreikninga eru 2, kosnir til 3 ára í senn. Skulu Nr. 61 þeir kosnir samtímis og á sama hátt og niðurjöfnunarnefnd. Ekki mega þeir eiga 28. nóv. sæti í bæjarstjórn. Þeir skulu hafa lokið rannsókn sinni á reikningnum innan mánaðar frá því er þeir fengu hann.

Þegar gjaldkeri hefir svarað athugasemdum endurskoðunarmanna, en það skal hann hafa gert innan 15 daga, skal leggja reikninginn fyrir bæjarstjórnina, er úrskurðar hann og veitir gjaldkera kvittun. Þó má enginn taka þátt í úrskurði, er snertir þau bæjarstörf, er honum hafa verið sjerstaklega á hendur falin.

Nú vill reikningshaldari, eða annar, sem hlut á að máli, eigi viðurkenna, að úrskurður bæjarstjórnar sje rjettur, enda sje honum lögð peningábyrgð á hendur, og má hann skjóta málinu til dómstólanna.

Þegar lagður hefir verið úrskurður á reikning gjaldkera, á að birta í blaði ágríp af honum, er oddviti bæjarstjórnar semji. Á það ágríp að vera svo fullkomið, að í því sjeu tilgreind öll aðalatriði í tekjum og gjöldum bæjarins.

28. gr.

Innan loka septembermánaðar ár hvert skal senda stjórnarráðinu reikning yfir umliðið reikningsár með öllum fylgiskjölum.

Komi það fram, að bæjarstjórn, hafi greitt ólögmat gjöld, neitað að greiða gjöld, er hvíla á bænum að lögum, eða á annan hátt ranglega beitt valdi sínu, skal stjórnarráðið gera þær ráðstafanir, er við þarf, og, ef nauðsyn ber til, með lögsókn koma fram ábyrgð á hendur þeim bæjarfulltrúum, sem átt hafa þátt í þessum ályktunum.

29. gr.

Með samþykkt þeirri, er um getur í 12. grein, má setja nánari reglur um sjerhvert atriði í stjórn bæjarins ssmkvæmt grundvallarreglum þessara laga, þar á meðal um brot á þeim.

30. gr.

Með lögum þessum eru úr gildi numin lög um bæjarstjórn á Seyðisfirði, frá 8. maí 1894, og lög um breytingar á sömu lögum frá 11. nóvember 1899.

31. gr.

Lög þessi öðlast gildi 1. janúar 1820.

Eftir þessu eiga allir hlutaðeigendur sjer að hegða.

Gefið á Amalfuborg, 28. nóvember 1919.

Undir Vorri konunglegu hendi og innsigli.

Christian R.

(L. S.)

Sigurður Jónsson.